

MEMORIA FUNDACIÓN VIGO EN DEPORTE VIDE 2014

O 17 de abril de 2002 ponse en marcha a Fundación Vigo en Deporte da man do Concello de Vigo, Caixanova, Pescanova e PSA Peugeot Citroën proclamándose deste xeito membros fundadores dunha organización de natureza fundacional, recoñecida de interese xeral galego e constituída sen ánimo de lucro.

Na actualidade, o Padroado da Fundación VIDE está formado polas entidades Concello de Vigo e PSA Peugeot Citroën ao facerse efectiva a retirada deste das entidades Pescanova e Caixanova no ano 2012.

Estas entidades forman o órgano de goberno, representación e administración da Fundación.

O domicilio social e lugar onde se desenvolven as actividades administrativas da entidade atópase na rúa Cesáreo González s/n (Edificio Instituto Municipal dos Deportes) de Vigo.

Fins fundacionais

Ante as demandas do tecido deportivo da cidade foi necesario crear unha fundación que dese respostas e solucións. Por iso, dende o principio os obxectivos foron: *O fomento e promoción do deporte a través do apoio, difusión e axuda ás entidades deportivas da cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e ao resto da sociedade en xeral.* (Texto recollido no Art.6 dos Estatutos)

Destinatarios

A Fundación Vigo en Deporte ven desenrolando a súa actividade fundamentalmente mediante o apoio aos catro sectores deportivos que conforman a totalidade do deporte vigués:

- clubs de base
- clubs de elite
- deportistas individuais
- deporte popular

Órganos de goberno

Padroado

É o máximo órgano de goberno da Fundación e está formado por dous membros de cada unha das entidades fundadoras:

Concello de Vigo: D. José Manuel Fernández Pérez (Presidente delegado e Vicepresidente)

PSA Peugeot Citroën: D. Juan Antonio Muñoz Codina e Dña María José Táboas Cabral.

Ademais o Padroado conta cos seguintes asesores (con voz pero sen voto):

Secretario: D. José Riesgo Boluda

Asesor Técnico: D. José Angel Otero Lamas

Comité Ejecutivo

Este órgano está integrado por un representante de cada entidade das que forman o Padroado.

Liñas de actuación

Dando cumprimento aos fins fundacionais, para o ano 2014 materialízanse as accións xerais nas seguintes liñas de actuación:

A) PROGRAMA SIAREIROS

Un dos motivos principais do nacemento da Fundación foi a creación do programa Siareiros. Nunha cidade como Vigo onde a práctica deportiva está completamente estendida son innumerables os clubs tanto de base como de elite que aportan o seu traballo, esforzo e experiencia a un sen fin de deportistas que gozan diariamente do deporte. Por iso a Fundación tenta xuntar as forzas de todos os patrocinadores e repartir as axudas en función da categoría do club, uso de instalacións, relevancia do deporte, etc.

Obxectivos

- 1) Alentar ao deporte base da nosa cidade co fin de crear unha sociedade cimentada nos valores deportivos da honestidade, solidariedade e saúde.
- 2) Axudar aos equipos de Vigo a facerse un oco no máis alto do deporte nacional.
- 3) A posibilidade para os equipos de base de Vigo de poder adestrar nas instalacións municipais de forma gratuíta.

Carné Siareiros e base de datos

A Fundación crea este carné como instrumento de afiliación e recadación para os clubs. A través dun programa informático instalado na páxina web da Fundación (www.vide.es) os clubs introducen nunha base os datos dos afiliados ao seu club (siareiros). Posteriormente, a Fundación personaliza os carnés co nome, apelidos, número de siareiro, código de barras e escudo do club. Existen dúas modalidades de carné:

- Carné Siareiro Club

A. Beneficios para os Clubs de base:

- Prezo de venta: Os clubs comprométense coa Fundación a vender este carné recadando para eles integramente o importe de 6 €.
- Axuda para o uso de instalacións deportivas municipais cumprindo co requisito dun mínimo de 100 siareiros e en virtude dos carnés realizados na tempada.

B. Beneficios para os Siareiros:

- Participar en sorteos, promocións e gozar de descontos nos establecementos colaboradores da Fundación (Viajes Eroski, Pizza Móvil, Deportes Balbi, Doble F Sport e Hotel Ensenada).

- Abono Siareiro Elite

A. Beneficios para os Clubs de elite:

- Prezos de venta:
Recaudados e dirixidos integramente ao club.

Infantil (ata 12 anos): 15 €	Xuvenil (ata 21 anos): 40 €
Universitario: 40 €	Xubilado: 40 €
Pensionista: 40 €	Pensionista (PNC): 30 €
Parado individual: 50 €	Familiar especial: 90 €
Individual senior: 95 €	Familiar (máx. 5):150 €
Palco VIP individual: 300 €	Palco VIP dúo: 500 €

B. Beneficios para os Siareiros:

- Asistir a todos os partidos dos clubs de elite da cidade durante toda a tempada.
- Participar en sorteos, promocións e gozar de descontos nos establecementos colaboradores da Fundación (Centro Comercial Camelias, Viajes Eroski, Pizza Móvil, Deportes Balbi, Doble F Sport e Hotel Ensenada).

Carnés Siareiro Base e Elite da tempada 2013-2014.



Relación de clubs participantes no programa:

ACADEMIA OCTAVIO	LOITA SAN IGNACIO
ALERTA NAVIA	LUCHA CIUDAD DE VIGO
ARENAS DE ALCABRE	MANIOTAS
BADMINTON RACHAPLUMAS	NATACIÓN RIAS BAIXAS
BALONCESTO SEIS DO NADAL	NATACIÓN SINCRONIZADA
BALONC. SAN JOSÉ DE LA GUÍA	PATÍN VAGALUME
BALONMANO SEIS DO NADAL	RC CELTA BALONC.FEM.
CARPA	TRAVIESAS HOCKEY
CASTRELOS PAT.ART.	UNIÓN BALONMANO LAVADORES
CICLISTA VIGUÉS	VIGO 2015
CIO S VIGO	VIGO SQUASH
DEPORTIVO A PAZ 03	VIGO RUGBY
FLIC FLAC	VIGO VOLEIBOL
FPR EL OLIVO	XUVENIL TEIS

Iniciamos esta tempada 2013-2014 cunha reunión de traballo o día 8 de agosto de 2013 cos equipos de elite e o día 7 de outubro de 2013 cos de base. Nestas xuntanzas asentáronse as pautas coas que se levou a cabo a andadura do programa para esta tempada.

O inicio oficial da Campaña foi en setembro.



A Campaña Siareiros finalizou o 30 de abril cun total de 7.425 socios/as (5.335 de base e 2.090 de elite) e 28 entidades deportivas (19 de base e 9 de elite).

Os clubs integrados en Siareiros tiveron a oportunidade de acadar achegas para as súas entidades a través dos donativos dos boletos dos seguintes sorteos:

1. Sorteo dunha viaxe ao Caribe doado por Viajes Eroski.



O 15 de xaneiro tivo lugar o sorteo da viaxe ao Caribe para dúas persoas patrocinada por Viajes Eroski. O sorteo produciuse en presenza de Manel Fernández, presidente de VIDE, acompañado de Patricia Bernardos, responsable vacacional de Viajes Eroski. O boleto afortunado foi o 11.067, vendido polo Club Ciclista Vigués.

Os clubs conseguiron 35.000 euros en donativos polas rifas (é dicir, 35.000 rifas vendidas).

2. Sorteo da moto doada por Movisa.



Na imaxe, Manel Fernández, facendo entrega do ciclomotor Piaggio Zip 50 2T cedido pola empresa patrocinadora de Siareiros, MOVISA, en presenza do seu Xerente, Juan Luis Carro. A gañadora, Elia Mariño Gestoso, posuidora dun boleto vendido polo Club Patín Vagalume, recibiu o ciclomotor acompañada de Beatriz Fernández Bahamonde, en representación do Club.

O sorteo tivo lugar o 27 de xuño, coincidindo coa clausura do Campus Polideportivo VIDE. Vendéronse un total de 20.000 boletos, grazas ao cal os clubs recadaron un total de 20.000 €.

B) XV CAMPUS POLIDEPORTIVO

O Campus Polideportivo, comezou no ano 2000, pero foi no ano 2002 cando a Fundación VIDE asumiu a súa organización e financiamento, co nacemento da nosa entidade.

Parte da idea de aglutinar a diversidade de campamentos deportivos que naquel intre se prodigaban cada verán por parte dos clubs da cidade.

Actividades

Toda a axuda é necesaria para desenrolar o Campus Polideportivo posto que grazas a el durante os últimos quince anos o redor de 3.000 rapaces e rapazas viguesas puideron gozar dunha oportunidade única: achegarse á práctica dos deportes, dende a iniciación ata o perfeccionamento da man das mellores entidades deportivas da cidade:

- R.C. Celta (Baloncesto)
- Club Vigo Voleibol e Xuvenil de Teis (Voleibol)
- Club Deportivo Octavio (Balonmán)
- Club Traviesas H.C. (Hóckey a Patíns)
- Club Mosteiro Bembrive (Fútbol Sala)
- Club Ciclista Vigüés (Ciclismo)
- Club Bádminton Rachaplumas (Bádminton)
- Club Halcones de Vigo (Beisbol)
- Club Vigo Rugby (Rugby)

Todos os anos dende a Fundación incorporamos deportes novos e mais minoritarios para que os nenos e nenas teñan coñecemento doutros deportes. Estes deportes se complementan coas horas de natación na Piscina Municipal das Travesas e cunha visita as Illas Cies.

A excursión as Illas Cies foi o día 24 de xuño, da man da Naviera Mar de Ons que un ano mais colabora con nos nesta actividade.



Obxectivos

O principal obxectivo non foi outro que o achegamento dos rapaces e rapazas á realidade multideportiva da cidade enriquecendo o seu coñecemento e práctica deportiva, fomentando valores de convivencia e deportividade.

Consecuentemente alcánzase un segundo obxectivo, e non por iso menos importante, o apoio ao deporte de base: debido ao grao de éxito do programa incrementábase o número de inscritos nas escolas das entidades deportivas participantes, posto que moitos destes rapaces queren continuar coa práctica do deporte que empezaron a descubrir.

Ademais fomenta a interacción dos/as participantes ao convivir con outros nenos e nenas en actividades de ocio e deportivas nove horas ao día durante cinco días.

Destinatarios

Pódense beneficiar deste programa todos aqueles rapaces e rapazas con idades comprendidas entre os 8 e 14 anos. Para unha mellor organización posteriormente se dividen en grupos diferenciados por cores.

As actividades desenvólvense no Complexo Deportivo das Travesas dirixido polo I.M.D., entidade colaboradora con este Campus.

As datas desta decimoquinta edición foron dende o 23 ao 27 de xuño, en horario de 9h a 18h. O prezo é de 70€ por neno/a que inclúe, ademais das actividades deportivas, unha merendiña a media mañá e a comida servida por unha empresa de catering; ademais dun seguro persoal para cada neno/a.

Tíñamos dispoñibles 200 prazas, das que neste ano cubríronse 197, case a totalidade.

Clausura

O último día pola tarde, dende as 16h os familiares e amigos dos nenos e nenas teñen xornada de portas abertas para ser participes das actividades que se realizan e como colofon final, a partir das 17h facemos unha festa de despedida coa entrega de diplomas de asistencia e o sorteo de regalos.



C) XIV TORNEO INTERNACIONAL DE FÚTBOL BASE "VIGO CUP"

Catorce anos de experiencia avalan a calidade do Torneo Internacional de Fútbol Base celebrado en Vigo do luns 30 de xuño ata o domingo 6 de xullo.

A Fundación VIDE traballa dende principios de ano na organización deste evento. Uns 3.000 nenos e nenas entre os 6 e os 16 anos xogan nos mellores campos do termo municipal, apoiados por preto de 300 técnicos. En total oito categorías, seis para fútbol 7 e dous para fútbol 11. Xogan a fútbol pero tamén comparten convivencias, xogo limpo e sobre todo diversión. Combínase deporte e ocio da mellor forma posible: cos mellores campos e coordinadores e coa paisaxe máis envexable, as Rías Baixas.

A Vigo Cup pode presumir xa de inscribir no seu palmarés o nome de 54 campións pertencentes a 28 clubs, e tamén do coidado do deporte feminino para colocalo ao mesmo nivel que o masculino.

Categorías

Fútbol 7

Sub 7: mixto. Nad@s despóis do 01/01/2007
Sub 8: mixto. Nad@s despóis do 01/01/2006
Sub 10: mixto. Nad@s despóis do 01/01/2004
Sub 12: mixto. Nad@s despóis do 01/01/2002
Sub 16: feminino. Nadas despóis do 01/01/1998
Damas: aberto.

Fútbol 11

Sub 14: mixto. Nad@s despóis do 01/01/2000
Sub 16: masculino. Nados despóis do 01/01/1998

Instalacións

Nesta edición a Vigo Cup xogouse nos campos de Coruxo, Samil (Torneo de Penaltis), Coia (A Bouza), San Miguel, A Guía, Bouzas, Sárdoma, Cotogrande, Navia (sede do Torneo) e no Estadio de Balaídos (finais e clausura).

Matrículas

Mantivéronse os prezos conxelados con respecto a anos anteriores.

Sub 7 e Sub 8: 30 € por equipo.

Resto de categorías:

- Matrícula ordinaria: 90 € por equipo.
- Matrícula bonificada: 60 € por equipo solicitando a inscrición antes do 7 de maio de 2014. E, cada cinco inscricións do mesmo club, unha lles vai de balde; e os Campións do Cadro de Honra da edición 2013 de cada categoría están invitados.

Participaron 50 clubs (cerca de 180 equipos) de Vigo e a súa provincia, Madrid, Asturias e León; e de Portugal acudiron 5 equipos de Porto, Valongo e Braga.

Sistema de competición

O Torneo Internacional de Fútbol Base Vigo Cup rixese segundo as normas da FIFA e da Federación Española de Fútbol. Os equipos divídense en grupos de 4 ou 5, dependendo da inscrición. Nunha primeira fase enfrontáanse nunha liga a unha soa volta. Na segunda fase o 1º e 2º de cada grupo clasifícanse para a Fase Final, o 3º e 4º de cada grupo xogan a serie de consolación. Esta segunda fase desenvólvese polo sistema de eliminación directa (copa).

Todos os participantes contan cun seguro deportivo; a os que non cubre a Mutuabilidade de Fútbol se lles contrata un seguro privado.

Transporte e aloxamento

Durante a competición todos os xogadores e corpo técnico poden utilizar durante todo o día o transporte público gratuitamente (VITRASA) mostrando a súa credencial do Torneo. Ademais todos os campos contan cunha liña de autobús próxima.

Contamos con case unha veintena de aloxamentos (hoteis de todas as categorías, residencias e campings) a prezos especiais para os participantes, todos localizados na cidade de Vigo e arredores.

Actividades paralelas

Todos os anos dende a Organización tratamos de xestionar actividades complementarias á deportiva, tanto para os equipos locais como para os que veñen de fora.

Entre as actividades totalmente de balde contamos con visitas ao VigoZoo e aos museos do R.C. Celta de Vigo, de Castrelos, de Arte Contemporáneo, Etnográfico Liste e Centro Arqueolóxico Salinae; e as actividades con prezos reducidos comprenden as visitas as Illas Cies e Cangas da man da Naviera Mar de Ons; e ao Museo do Mar.

Torneo de penaltis

Por sexto ano consecutivo celebrouse o torneo de penaltis (día 4 de xullo) que proporciona motivación aos rapaces e rapazas e exhibición aos asistentes. Cada equipo pode presentar un número máximo de xogadores incluído o porteiro.

Os campións desta edición foron:

Sub 7:	Sárdoma
Sub 8:	Colegio Hogar
Sub 10:	Santa Mariña A
Sub 12:	Santa Mariña A
Sub 14:	Coruxo A
Sub 16:	Galides
Damas:	Lavadores

Clausura

As finais de tódalas categorías, coma ven sendo habitual, celebráronse no Estadio de Balaídos (domingo 6 de xullo), cunha grande afluencia de público, patrocinadores e autoridades da cidade.

Os vencedores desta decimocuarta edición foron:

Sub 7: Sárdoma
Sub 8: Juv. Villaquilambre
Sub 10: Coruxo A
Sub 12: Celta
Sub 14: Coruxo
Sub 16: Coruxo
Damas: F.P.R. El Olivo

Fotos do Torneo



Clausura no estadio de Balaídos.



D) TORNEO DE REIS

Obxectivo e filosofía

Nesta 3ª Edición do Torneo de Reis continuamos co proxecto educativo e de convivencia que pretendemos nestas datas navideñas.

Os pequenos/as que participaron tiveron nestes tres días de competición coma única meta a de gozar do xogo.

O noso lema é "NON HAI VENCEDORES NIN VENCIDOS" polo que tódolos/as nenos/as terán o seu recoñecemento ao finalizar o Torneo.

Sistema de competición

Dividíronse en grupos de catro equipos. Este torneo non ten finais, senón que en cada idade xogase unha liguiña todos contra todos a unha volta. Non hai límites de cambios.

"Todos/as gañan e todos/as levan medalla"

O torneo foi organizado pola Fundación VIDE, contando co apoio do Instituto Municipal dos Deportes e a Concellería de Deportes de Vigo; e está coordinado polo responsable das escolas municipais de fútbol, Belarmino Alonso, "Milucho".

Datas, Horarios e Categorías

Os días 2, 3 e 4 de xaneiro de 2014 (xoves, venres a sábado). Dende as 10h ata as 13.30h no Complexo Deportivo de Samil.

Categorías:

Minis. Nados dende o 1 de xaneiro de 2008 ata o 30 de xullo de 2009

Biberóns. Nados despois do 1 de agosto de 2009

Reglamento

1. Cada partido xogase a catro tempos, de dez minutos cada un; e entre o segundo e o terceiro tempo faise o descanso.
2. Todos os nenos/as xogan, como mínimo dous tempos, e de non ser así, dase o partido por perdido ao equipo que non o cumpre.
3. Antes de cada partido, os equipos participantes, presentan a fotocopia do libro de familia onde aparece o neno/a ou o DNI deste/a.
4. O número de xogadores en cada partido, será decisión dos dous equipos que van a xogar, os cales terán que poñerse de acordo.

Campaña "DOA AS TUAS BOTAS E ASÍ XOGAMOS TODOS"

Durante os tres días do Torneo tivemos expostas unhas caixas onde os participantes e público poderán deixar as botas de fútbol que xa non usen e que se atopen en bo estado.

Estas botas, despois do Torneo, as temos na sede da Fundación VIDE para que os particulares ou clubs que queiran fagan uso delas para que os/as nenos/as que non poidan mercarlas, se beneficien delas.

Con esta iniciativa pretendemos non só axudar a nenos e nenas que non poden mercar unhas botas de fútbol novas; senón que tamén pretendemos que os mais cativos/as aprendan a compartir, a coidar as súas pertenzas e a concienciarse de que todo pode ter un segundo uso coa "reutilización".

E, esta mensaxe tamén pode chegar aos adultos, porque as veces os/as nenos/as son os que nos dan exemplo e ademais, son o futuro.

Clausura



Máis de 250 xogadores e xogadoras de 6 ou menos anos de idade disputaron o III Torneo de Reis de fútbol 8.

Entregáronse medallas a todos/as nenos/as; e antes a organización premiou aos adestradores dos equipos que acudiron ao torneo e o alcalde repartiu varios balóns á grada.

O Torneo de Reis contou con equipos de once clubs, dez de Vigo (Alertanavia, Colegio Hogar, Unión Deportiva Santa Mariña, Arenas, Matamá, La Guía, Sárdoma, Coruxo e Vigo 2015) e dous da súa área de influencia (Casa Paco, de Redondela, e Tyde, de Tui).

E) PROXECTO VOVIS 2014

A Fundación ven desenrolando ano tras ano o seu programa de voluntariado denominada "VOVI", ou Voluntario Vide; onde o obxectivo a acadar é a dinamización dunha actuación voluntaria no ámbito deportivo que se presenta cheo de eventos que precisan da axuda da cidadanía.

Eventos deportivos da cidade

En Vigo celébranse ao ano mais de 150 eventos deportivos, que van dende o mais alto nivel nacional, internacional e mundial, ata aqueles populares organizados nas parroquias do noso ámbito. De forma xeral, todos e cada un destes eventos, demandan unha colaboración para facer efectiva a súa organización, é dicir, demandan a necesidade de medios humanos de cara a colaborar en diversas áreas de organización destes eventos.

Estas actuacións en materia deportiva, pola súa tradición e repercusión, enxalzan os principios universais de unión, amizade e participación de distintos pobos e culturas. É por iso que a Fundación quere participar coa súa cidade mediante o voluntariado deportivo como signo de solidariedade e cordialidade.

Neste ámbito de traballo a actuación dos nosos VOVIS centrouse principalmente nos seguintes eventos 2014:

XVII Media Maratón de Vigo (11 de maio)

XVIII Festa do Patín (17 de maio)

Día da Rítmica (31 de maio)

31ª Carreira Nocturna de San Xoán (23 de xuño)

XV Campus Polideportivo (do 23 ao 27 de xuño)

Torneo de Fútbol Base Internacional Vigo Cup 2014 (do 30 de xuño ao 6 de xullo)

XLI Gran Premio Cidade de Vigo de Ciclismo (30 e 31 de agosto)

Dende a Fundación, temos presente este traballo altruísta co constante recoñecemento e admiración as persoas cooperantes.



F) BIBLIOTECA DEPORTIVA

Dende o noso nacemento vimos realizando un traballo de difusión do espírito deportivo, tamén a través de cultura.

Este proxecto centrase na divulgación do espacio adicado dentro das nosas instalacións á Biblioteca Deportiva. Trátase dunha idea pioneira dentro do noso entorno, sendo a única Biblioteca especializada en deporte.

A Biblioteca Deportiva da Fundación Vigo en Deporte (VIDE) iniciou a súa actividade o 9 de maio de 2003 e pon a disposición do usuario ou usuaria máis de mil volumes de todo tipo en galego, castelán, portugués, italiano e inglés, pois VIDE adquiriu publicacións do Reino Unido, Italia e Portugal.

A biblioteca, que posúe historias de clubs e/ou deportes, documentación técnica de diversas modalidades, enciclopedias de deportes ou dicionarios, é a máis importante que existe en Vigo e adoita ser visitada fundamentalmente por técnicos, aínda que o seu acceso é libre e gratuíto nos horarios da Fundación.

Os libros poden consultarse na propia sede de VIDE e tamén mediante o servizo de préstamo de libros cubrindo unha ficha que se entrega na propia fundación.

Ademais, VIDE posúe soportes técnicos para consultar vídeos, CD Rom ou cassetes de diversos temas.



G) PROGRAMA DE COMUNICACIÓN

Os principais puntos do programa de comunicación os temos na páxina web e a presenza na prensa local.

Páxina web (www.vide.es)

Contamos cunha páxina web actual, dinámica e que permite unha maior e mellor actualización dos seus contidos. A actualización destes contidos se realiza diariamente e conta con cerca das 600.000 visitas a o longo do ano.



Páxina no Diario Decano Faro de Vigo

Todos os anos Faro de Vigo renova a súa colaboración coa Fundación cedendo unha páxina semanal (unha vez ao mes de cor) onde se recollen noticias deportivas de actualidade, encontros deportivos, etc. chegando a un sen fin de persoas por ser un dos diarios de maior tiraxe na cidade.

Ademais de recoller e dar unha importante difusión as actividades realizada por VIDE; moi especialmente na semana da Vigo Cup, pois adican mais de dúas páxinas do xornal coas noticias da competición.



H) OUTROS PROGRAMAS DE PROMOCIÓN DEPORTIVA

O tecido deportivo da cidade formado por federacións, clubs e deportistas tenta dinamizarse continuamente, tenta impulsar e actualizar a súa actividade porque cree firmemente no seu proxecto. Deste xeito se celebran torneos ao longo de todo o ano, festivais, campionatos, xornadas de portas abertas, etc. Sen embargo, a súa boa vontade non sempre é suficiente e precisan da Fundación para a súa organización e loxística.

Para nós é un orgullo poder axudalos xa sexa mediante a provisión de bebidas, froita, petos, gorras, camisetas, balóns e merchandising en xeral que na maioría das veces é doado polas nosas empresas colaboradoras ou ben mediante a proporción de medios para a súa organización e voluntarios.

Por outra banda, a Agrupación Deportiva Vigo recibe, a través dun convenio de colaboración que se renova cada ano, o apoio da Fundación VIDE mediante a cesión de instalacións na sede da Fundación. O motivo reside na magnitude deportiva que move esta Agrupación a través da súa Liga Vigo en Xogo posto que mais de 4.000 persoas participan anualmente nela baixo as modalidades de fútbol sala, fútbol sete sénior e baloncesto.

Ademais, a Concellería de Deportes puxo en marcha entre marzo e decembro do 2014 a sexta edición do Circuito de Carreiras Populares Cidade de Vigo. A idea, desenvolvida noutras localidades e/ou comunidades autónomas, ten unha gran acollida pola tradición atlética da cidade. A Concellería de Deportes, con asesoramento e apoio loxístico de VIDE, promoveu a participación cuns premios económicos sen parangón.

O Circuito engloba nove probas pedestres: III Correndo por Vigo, XV Medio Maratón Vig-Bay, VIII 10 km Cidade Universitaria de Vigo, XIII Media Maratón de Vigo, XXXI Carreira Nocturna de San Xoán, V 10 Km Xornadas Marisqueiras do Berbés, III 10 Km Praia de Samil, III Vigo+11, IX Subida ao Castro, e LII Gran Premio Pedestre de Nadal.

A Fundación colabora na difusión desta liga coa inserción de dúas páxinas promocionais no diario Faro de Vigo, en virtude do convenio de colaboración existente. Tamén seguimos puntualmente todas as carreiras con informacións e clasificacións na web.

Neste ano púxose en marcha a Liga de Natación Escolar Concello de Vigo.

Orientada a todos/as nadadores/as de educación primaria matriculados/as nos colexios de Vigo, que ao longo da tempada 13/14 estean matriculados no programa de natación ofertado polo Concello de Vigo, o IMD ou participen en cursos de natación a través das AMPAS.

Con dous categorías (promesa e benxamín) e ao longo de tres domingos.

A Fundación VIDE foi a encargada de tramitar a documentación dos participantes e participamos na xestión do evento.

Por último, mencionar que colaboramos coa Gala do Deporte, que organiza a Concellería de Deportes e que recoñece anualmente a os mellores deportistas da mancomunidade.

Vigo, 31 de outubro de 2014